

Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq

Atuarfik pillugu Inatsisartut peqqussutaanni nr. 8-mi, 21. maj 2002-meersumi, inatsisartut peqqussutaatigut nr. 8, 15. april 2003-meersukkut allanngortinneqartumi, § 18, aamma inatsisartut peqqussutaat nr. 12, 20. november 2006-imeersoq naapertorlugit aalajangersarneqarput:

Kapitali 1

Inaarutaasumik naliliineq

Siunertaq aamma annertussusia ilaalu ilanngullugit

§ 1. Atuarfiup naammassinerani naliliinermi siunertaavoq, atuarfimmi atuartsissutini atuartsissutinilu qanitariissuni alloriarfiit siunertaat, atuartsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaanni, ilikkagassatut anguniagassat atuartumit qanoq annertutigisumik angusaqarfiusimanersut uppersassallugu.

§ 2. Naliliinermut ilaapput nalunaarut aamma angusat tunngavigalugit karakteriliineq, atuartup nammineq naliliinera misilitsinnerillu, tassunga ilaalluni aalajangersimasumik qulequtsiilluni suliamik saqqummiineq.

Imm. 2. Misilitsinnerit aamma aalajangersimasumik qulequtsiilluni suliaqarnerit ulluinnarni atuartsinermi sulinermik ersersitsuussapput.

Imm. 3. Angusanut tunngatillugu karakteriliinermi aamma misilitsinnerit aalajangersimasumillu qulequtsiilluni suliap nalilerneranni Greenlandic Grading System-skala (GGS skala) atorpeqassaaq. GGS skala makkunanga imaqarpoq:

A: Naammassisamut pitsaalluinnartumut karakteriliunneqartassaaq, atuartsissummi anguniakkanik naammalluurtumik naammassinninnermik takutitsisumut imaluunniit annikitsuinnarnik pingaaruteqanngitsumik amigaateqartumut

B: Naammassisamut ajunngivissumut karakteriliunneqartassaaq, atuartsissummi anguniakkanik annertuumik naammassinninnermik takutitsisumut, annikitsumik ikittuinnarnik pingaarutilinnik amigaateqartumut.

C: Naammassisamut pitsaasumut karakteriliunneqartassaaq, atuartsissummi anguniakkanik naammassinninnermik takutitsisumut, arlalinnik amigaateqartumut.

D: Naammassisamut ajorpallaanngitsumut karakteriliunneqartassaaq, atuartsissummi anguniakkanik annikinnerusumik naammassinninnermik takutitsisumut, amerlasuunik amigaatilimmut.

E: Naammassisamut naammattumut karakteriliunneqartassaaq, atuartsissummi anguniakkanik minnerpaamik akuerineqarsinnaasumik naammassinninnermik takutitsisumut.

Fx: Naammassisamut naammaginngitsumut karakteriliunneqartassaaq, atuartsissummut

anguniakkanik akuerineqarsinnaasumik takutitsinngitsumut.

F: Naammassisamut akuerineqarsinnaanngilluinnartumut karakteriliunneqartassaaq.

§ 3. 10. klassip naammassinerani atuartitsissutini aamma atuartitsissutini qanitariissuni tamani nalunaarusiortoqarlunilu angusat tunngavigalugit karakteriliisoqassaaq. Taamaaliortoqassaaq misilitsittoqalinnginnerani, ingerlaavartumik naliliineq tunuliaqutaralugu ilikkagassatullu anguniakkat aallaavigalugit. Taakku alloriarfimmi ilikkagassatut anguniakkat qanoq annertutigisumik angusaqarfiusimaneranut uppersaataassapput.

Imm. 2. Nalunaarummi atuartup atuartitsissutini piginnaasai - ilikkagassatut anguniakkanut naleqqiullugit - nalilerneqassapput. Nalunaarut ingerlaavartumik naliliinerit tunngavigalugit suliarineqassaaq.

Imm. 3. Nalunaarutip aamma angusat tunngavigalugit karakterit takutissavaat, ilinniartitsisup atuartup, ilikkagassatut anguniakkanut naleqqiullugu, atuartitsissutini angusaanik naliliinera.

§ 4. Atuartup nammineq naliliineranut minnerpaamik ilaassapput:

- 1) Atuartup atuarnermi pissarsiarisimasaminik naatumik, allaganngorlugu allaaserinninnera.
- 2) Inuussutissarsiutitigut ilinniarnissamullu kissaatit pillugit isumaliuutit.

Imm. 2. Paasissutissanut, atuartup naliliinermini ilanngunneqartussatut kissaatigisaanut ilaasinnaapput:

- 1) Atuartut siunnersuisoqatigiivini sulineq.
- 2) Atuarfiup siulersuisuini sulineq.
- 3) Peqatigiiffinni sulineq.
- 4) Sunngiffimmi sammisaqartitsinermi peqataaneq.
- 5) Sunngiffimmi sulineq assigisaalu.

Imm. 3. Atuartup suliarinninnermi angerlarsimaffik aamma atuarfik peqataatissinnaavai. Naliliineq angajoqqaatut oqartussanit imaluunniit angajoqqaarsiaasussatut akuersissuteqartunit atsiorneqassaaq.

Imm. 4. Naliliineq misilitsissimaneranut uppersaataip tunniunneqarnissaa sioqqullugu tunniunneqarsimassaaq tassungalu ilanngunneqarluni.

Imm. 5. Atuartup nammineq nalilersuineranut atorneqartussamik ilitsersuummik immersugassamillu ilinniartitaanermut Naalakkersuisoqarfik nassiussissaaq.

§ 5. Atuartut aamma pineqarput atuartitsinermik allamik, atuartitsinermik naliginnaasumik meeqqat atuarfianni piumasaqaataasunut nallersuussinnaasumik tigusaqarsimasut. Peqataasut taakku § 3-mi pineqanngillat.

Aalajangersimasumik qulequtsiilluni suliaq

§ 6. Atuartut aalajangersimasumik qulequtsiillutik suliaqartoqassapput. Aalajangersimasumik qulequtsiilluni suliaq januarimi imaluunniit februarimi tunniunneqassaaq. Suliaq allataassaaq tamatumalu kingorna saqqummiunneqarluni, takuuk kapitali 7.

§ 7. Pisinnaasanik pinngitsoorani allattariarsorluni misilitsittoqassaaq kalaallit, danskit tuluillu oqaasiinik aamma matematikkimik. Pisinnaasanik misilitsinnerit aprilimi majimilu ingerlanneqassapput.

§ 8. Kalaallit oqaasiinik, danskit oqaasiinik, tuluit oqaasiinik aamma matematikkimik pisinnaasaanik allattariarsornikkut pinngitsoorani misilitsittoqassaaq.

Imm. 2. Ilinniartitaanermut Naalakkersuisoqarfik aalajangiisinaavoq aammattaaq pinngortitalerinerimik, inuiaqatigiilerinerimik imaluunniit upperisalerinerimik aamma isumalioqqissaarnermik allattariarsornikkut pinngitsoorani misilitsittoqassasoq. Naalakkersuisoqarfiup aalajangissavaa atuarfinni ataasiakkaani atuartsissutini sorlarni misilitsittoqassanersoq.

Imm. 3. Misilitsinnerit aprilimi aamma majimi ingerlanneqassapput.

§ 9. Oqaluttariarsorluni imaluunniit oqaluttariarsorluni-suliaqarluni misilitsinnerit 3 pinngitsoorani ingerlanneqassapput.

Imm. 2. Misilitsinneq 1 atuartsissutit ukua arlaanni ingerlanneqassaaq: kalaallit oqaasii, danskit oqaasii imaluunniit tuluit oqaasii, misilitsinneq 1 atuartsissutit ukua arlaanni ingerlanneqassaaq: matematikki imaluunniit fysik/kemi aamma misilitsinneq 1 atuartsissutit ukua arlaanni ingerlanneqassaaq: uumassuseqartulerineq, pinngortitaleriffiusumik nunalerineq, inuiaqatigiilerineq imaluunniit upperisalerineq aamma isumalioqqissaarneq. Naalakkersuisoqarfiup aalajangissavaa atuarfinni ataasiakkaani atuartsissutini sorlarni misilitsittoqassanersoq.

Imm. 3. Atuartut allamiut oqaasiisa pingajuannik toqqaasimasut, atuartsissummi oqaluttariarsorlutik misilitsinnissartik toqqarsinnaavaat.

Imm. 4. Aammattaaq atuartup toqqarsinnaavaa, atuartsissutini sumiiffinni ataasiakkaani toqqagassani imaluunniit atuartsissutini imm. 2-mi aalajangiunneqanngitsuni ataasiarluni oqaluttariarsorluni-suliaqarluni misilitsinniarluni.

Imm. 5. Misilitsinnerit majimi aamma junimi ingerlanneqassapput.

§ 10. Ilinniartitaanermut Naalakkersuisoqarfiup 1. november nallertinnagu nalunaarutigissavaa, piffissami misilitsiffissami tulluuttumi atuartsissutini sorlarni misilitsittoqassanersoq.

Kapital 2

Nalunaarneq aamma nalunaarutiginninneq

§ 11. 10. klassimi atuartut aalajangersimasumik qulequtsiilluni suliaqarnissamut § 6-imi eqqaaneqartumut, pisinnaasatigut misilitsinnissanut § 7-imi eqqaaneqartunut aamma pinngitsoorani misilitsinnissanut §§ 8-mi aamma 9-mi eqqaaneqartunut nalunaarsimapput.

Imm. 2. Atuartut atuartsissummi ataatsimi arlalinniluunniit immikkut atuartinneqartut, tapertaliussaasumik atuartinneqartut imaluunniit allatigut immikkut perorsaanikkut ikiorserneqartut, atuartsissutini pineqartuni misilitsinnernut peqataannginnissaat aalajangerneqarsinnaavoq. Ilinniartitaanermut Naalakkersuisoqarfik tamanna pillugu erseqqinnerusumik aalajangersaassaaq.

§ 12. Atuartut atuartsinerimik allamik, atuartsinerimik naliginnaasumik meeqqat atuarfianni piunasaqaataasunut nallersuussinnaasumik tigusaqarsimasut misilitsinnernut aamma aalajangersimasunik qulequtsiilluni suliaqarnernut §§ 7-9-mi taaneqartunut peqataanarlutik

nalunaarsinnaapput. Nalunaarneq pissaaq kommunimi pineqartup misilitsiffissatut kissaatigisaani atuarfeqarfiup pisortaanut 1. december nallertinnagu.

§ 13. Atuartut § 9, imm. 4 naapertorlugu misilitsikkusuttut, atuartitsissutit suut misilitsiffigerusunnerlugit 1. december nallertinnagu atuarfimmi pisortamut nalunaarutigieriissavaat. Nalunaarneq angerlarsimaffimmit atsiorneqassaaq, atuartoq inersimasuunngippat.

Imm. 2. Misilitsinnissamut nalunaarneq taamaallaat pisinnaavoq, atuartup atuartitsissummi atuartitsineq naammattumik annertussusilimmik malinnaaffigisimappagu. Atuarfiup pisortaata taamaattoqarnersoq aalajangissavaa.

§ 14. Misilitsinissat atuarfimmit nalunaarutigineqarneri aamma allattariarsorluni suliassanik piniarnerit Ilinniartitaanermut Naalakkersuisoqarfimmut 15. december nallertinnagu immersugassiaq naalakkersuisoqarfimmit akuerineqarsimasoq atorlugu nassiunneqassapput.

Kapitali 3

Napparsimasimalluni misilitsinnerit

§ 15. Atuartoq misilitsinnissamut nalunaarsimasoq, kisiannili napparsimaneq imaluunniit pissutsit allat immikkut illuinnartut pissutigalugit misilitsinnermut peqataasinnaangitsoq, tamanna pillugu ingerlaannartumik atuarfimmut nalunaaruteqassaaq. Misilitsinneq suli naammassinngitsoq nalunaarut tiguneqarsimanngippat, atuartoq takkutinngitsoortutut isigineqassaaq.

Imm. 2. Pisinnaannginnermut napparsimaneq pissutaappat, atuartoq kingusinnerpaamik ullormi misilitsiffiusumi najukkamini peqqinnissaqarfimmut saaffiginnissimassaaq, napparsimanerlu uppersaaserneqassaaq, atuarfiup pisortaanut piaarnerpaamik tunniunneqartussamik.

Imm. 3. Pisinnaannginneq allanik immikkut illuinnartunik pissuteqarpat tamanna tamatuma kingorna atuarfiup pisortaanit akuerineqassaaq.

§ 16. Atuartoq napparsimasutut nalunaarsimasoq, taamaakkaluartorli misilitsinnermut peqataasoq, misilitseqqissinnaangilaq.

§ 17. Oqaluttariarsorluni/assassorluni misilitsinnerit ilaat, tak. § 9, atuartup piffissami misilitsiffiusumi tassani atuarfimmi allami ingerlassinnaappagu, atuartoq taamatut periarfissinneqassaaq.

Imm. 2. Atuarfiup aalajangersinnaavaa atuartut napparsimasimasut atuartitsissutini oqaluttariarsorissani imaluunniit oqaluttariarsorissani-suliaqarfiusuni misilitsissasut, tak. § 9. Misilitsinnerit kingusinnerpaamik ukiup atuarfiup nutaap allartinnerata kinguinngua ingerlanneqassapput.

§ 18. Taamaallaat atuartut napparsimanermik imaluunniit immikkut illuinnartumik pissuteqarlutik misilitsinnermut peqataasinnaasimanngitsut imaluunniit naammassinissinnaasimanngitsut, tamatumangalu piffissaq eqqorlugu atuarfimmut nalunaarsimasut, tak. § 15, napparsimasimalluni misilitsinnernut peqataasinnaapput imaluunniit misilitsinnissamut piffissaliussami tullermi misilitsittussatut nalunaarsinnaallutik.

§ 19. Atuartup napparsimaneq imaluunniit pissutsit immikkut illuinnartut allat pissutigalugit aalajangersimasumik quleqtsiilluni suliaasaq naammassisinnaanngippagu, atuartoq 15. april nallertinnagu kisimiilluni naammassiniagassamik aalajangersimasumik quleqtsiilluni suliaminik tunniussinissaminut periarfissaqassaaq.

Kapitali 4

Misilitsinnerit pillugit ataatsimut malitarisassat

Misilitsinnerit ingerlanneqarneri

§ 20. Atuarfiup pisortaa misilitsinnerit aamma aalajangersimasumik quleqtsiilluni suliat malittarisassat atuuttut malillugit ingerlanneqarnerinut akisussaavoq.

§ 21. Piffissamik sioqqutsilluarluni atuartut makkunanga ilisimatinneqassapput:

- 1) Piffissaq misilitsiffiususaq aamma misilitsinnernut ataasiakkaanut piffissaliussat.
- 2) Misilitsinnerit amerlassusii, atuartitsissutit makinneqarnissaat pillugit malittarisassat aamma § 9, imm. 4 naapertorlugu atuartitsissutit toqqarneqarnissaannut periarfissat, kingusinnerpaamik nalunaarnissamut piffissaliussat ilanngullugit.
- 3) Aalajangersimasumik q uleqtsiilluni suliap tunniunneqarnissaa aamma misilitsinnerit pillugit malittarisassat.

Imm. 2. Atuartut, ilinniartitsisut misilitsinnermilu nakkutilliisut piffissamik sioqqutsilluarluni makkua pillugit malittarisassanik ilisimatinneqassapput:

- 1) Napparsimalluni takkutinnngitsoornerup imaluunniit immikkut illuinnartunik peqquteqarluni peqataannginnerup kingunissai, tak. kapitali 3.
- 2) Misilitsinnermi piumasaqaatit immikkut ittut, tak. § 24.
- 3) Misilitsinnerup pineqartup ingerlanneqarneranut malittarisassat nalinginnaasut immikkullu ittut atuuttut.
- 4) Naammagittaalliuuteqarnermut malittarisassat aamma naammagittaalliuuteqarnissamut piffissaliussat, tak. kapitali 12.

Imm. 3. Imm. 1-imi aamma 2-mi malittarisassat tunaartarisassallu taaneqartut atuarfiup imaluunniit kommunip nittartagaani nassaarineqarsinnaassapput.

§ 22. Atuarfiup isumagissavaa atuartut siunertarineqanngitsumik imminnut attaveqatigiissinnaajunnaarlugit misilitsinnerit ingerlanneqarnissaat.

Imm. 2. Atuarfiup isumagissavaa atuartut misilitsinnerup nalaani siunertamut naapertuuttumik suliffissaqarnissaat.

Imm. 3. Allattariarsorluni misilitsinnissanut tunngatillugu oqaloqatigiinnissamut piffissaliussap nalaani kiisalu oqaluttariarsorluni aamma oqaluttariarsorluni-suliaqarluni misilitsinnissanut kap. 9-mi taaneqartunut piareersarnerup nalaani atuartut qarasaasianik internet-imut attavilinnik atuisinnaassanngillat.

Imm. 4. Aammattaq atuarfiup atortorissaarutunik elektroniskiusunik atuisinnaanermut periarfissat killilersinnaavai, tassunga ilaallutik atortut elektroniskiusut nammineerluni nassatarineqartut, tamanna

pisinnaasat pissutigalugit pisariaqassappat.

§ 23. Misilitsinneq aallartinneqarsimassaaq, suliassanik agguaassineq aallartinneqarsimappat imaluunniit misilitsissutissamik imaluunniit suliassamik atuortoq ilisimatinneqareerpat.

§ 24. Atuarfiup pisortaa atuartunut timimikkut imaluunniit eqqarsartaatsikkut pisinnaasakinnerusunut imaluunniit aalajangersimasunik allatigut ajornartorsiuteqartunut misilitsinnermi immikkut atugaqartitsinissamik neqerooruteqassaaq, misilitsinnerup naammassinissaanut atuartut taakku, atuartunut allanut naligiissinneqarnissaasa taamaaliornissaq pisariaqartilerpasuk.

Imm. 2. Misilitsinnerup qaffasissusia allannortinneqassanngilaq.

Karakteriliineq aamma misilitsinnernik naliliineq

§ 25. Misilitsinnermi karakteriliisoqartassaaq atuartup atuartsissutini ataasiakkaani ilikkagassatut anguniagassanik angusaqarsimassusia atuartullu misilitsinnermi naammassisai nalilersorsinnarlugit. Atuartut atuortoqataannut naleqqiunnerisigut karakterilersuisoqassanngilaq.

Imm. 2. Misilitsinerit tamarmik karakterilerneqassapput. Karakterit atuartunut ataasiakkaanut tungasuupput. Oqaluttariarsorluni imaluunniit oqaluttariarsorluni-suliaqarluni misilitsinnerni atuartup misilitsinnermik naammassinera kinguinngua karakteriliisoqassaaq. Karakterit misilitsinnermi uppersaammut allanneqassapput.

§ 26. Censori aamma ilinniartitsisoq tamarmik immikkut karakteriliinissamut siunnersuuteqassapput. Censorip siulliulluni siunnersuutini saqqummiutissavaa. Censorip aamma ilinniartitsisup karakteriliinerini karakterimik ataatsimik nikingappata censorip karakteriliussaa atuutsinneqassaaq. Karakterinik 2-nik nikingappata, karakterit taakku 2 akornanniittoq karakteriliunneqassaaq. Karakterinik 3-nik sulilunniit annertunernik nikingappata, isumaqatigiinniarnikkut karakteriliisoqassaaq, pisariaqassappat atuarfiup pisortaa ikiorsiullugu. F-imik aatsaat karakteriliisoqarsinnaavoq censori ilinniartitsisorlu isumaqatigiippata.

Imm. 2. Karakterit pillugit isumaqatigiinniarnernit imaluunniit censorip aamma ilinniartitsisup karakteriliinerisa akornanni nikingassutit atuartumut allanulluunniit avataaniittunut nalunaarutigineqassanngillat.

§ 27. Karakterip aalajangernissaanut atorneqartussanik censori allattuissaaq. Allattukkat naammagittaalliuuteqarnissamut piffissaliussap naanissaata tungaanut toqqorsimaneqassapput, tak. kapitali 12.

Imm. 2. Misilitsinnerup ingerlanneqarnerani pingaaruteqartutigut pissusissamisuunngitsoqarpat censori ilinniartitaanermut Naalackersuisoqarfimmut, atuarfimmut misilitsitsiffiusumut assilinertalerlugu, nalunaaruteqassaaq. Misilitsinnerup ingerlanneqarnera pillugu nalunaarusianik naalackersuisoqarfik censorimit piniarsinnaavoq.

Karakterit allassimaffii

§ 28. Karakterit karakterit allassimaffiinut ilinniartitaanermut Naalackersuisoqarfiup akuerisaanut

allattorneqassapput. Karakterit allattorsimaffii ukiuni 5-ini atuarfimmit toqqorsimaneqassapput.

Kapitali 5

Allattariarsorluni misilitsinnerit pillugit immikkut malittarisassat

Oqaatsinik toqqaaneq ilaalu ilanngullugit

§ 29. Misilitsinnerni suliassat Ilinniartitaanermut Naalakkersuisoqarfiup sularissavai.

§ 30. Matematikkimi pisinnaasatigut misilitsissutissaq kiisalu oqaatsinik atuartsissutaanngitsuni misilitsissutissat kalaallisut danskisullu sularineqassapput.

Imm. 2. Ulloq misilitsiffissaq nallertinnagu, suliassat sorliit atuartup akissuteqarnerminut tunngaviginiarnerai, atuartsissummi ilinniartitsisup atuartullu isumaqatigiissutigissavaat.

Imm. 3. Misilitsinnerup aallartinnerani oqaatsit toqqaaneqarsimasut atorlugit suliassat atuartumut tunniunneqassapput. Atuartup qinnutigippagu suliassat oqaatsit aappaat atorlugit allatat tunniunneqarsinnaapput, atuartup akissuteqarnermini ikorfartuutissaatut. Suliassat taakku tunniunneqassanngillat, inimiillu misilitsiffiusumiit misilitsinneq naammassitinnagu anninneqaqquusaanatik.

§ 31. Misilitsinnerni akissutit atuartsissummik ilinniartitsisumit aamma Ilinniartitaanermut Naalakkersuisoqarfimmit censorissanngortitamit nalilersorneqassapput.

Allattariarsorluni misilitsinnerit ingerlanneqarneri

§ 32. Suliassat tiguneqarnerini atuarfiup pisortaata taassumaluunniit sinniisaata suliassat allakkat puuni normulersorimasuniittut pisariaqartinneqartunik amerlassuseqarnissaat qularnaassavaa. Aammattaaq atuarfiup pisortaata taassumaluunniit sinniisaata misissussavaa piffissaq misilitsiffiusussaq, misilitsinneq, suliassap suunera, sapaatip-akunnerata ullua, ulluliussaq nalunaaqutarlu allassimasoq eqqortuunersut.

Imm. 2. Atuarfiup pisortaata misilitsinnerni ataasiakkaani suliassat tiguneqarneri aamma suliassat allakkap puuniittut qassiuneri Ilinniartitaanermut Naalakkersuisoqarfimmut allakkatigut uppersarsassavai.

Imm. 3. Suliassat allakkap puuniittut ataasiakkaat, misilitsinnerup ingerlanneqarnissaanut piffissaliussaq nallertinnagu ammarneqaqquusaanngillat, taamaattorli tak. § 60, imm. 5.

§ 33. Allattariarsorluni misilitsinnerni atuartut misilitsinnissamut nalunaarsimasut, nakkutilliisussat aamma atuarfiup pisortaa imaluunniit taassumalu sinniisaa kiisalu ilinniartitsisoq atuaasussaq imaluunniit ilitsersuisussaq inimut misilitsiffiusumut kisimik isersinnaatitaapput.

§ 34. Atuarfiup pisortaata nakkutilliisussat toqqassavai. Klassini pineqartuni atuartsissummi allattariarsorluni misilitsiffiusumi ilinniartitsisoq atuartsisuusimasoq atuartunik nakkutilliisussaangilaq.

Imm. 2. Allattariarsorluni misilitsinnerni inini misilitsiffiusuni tamani, atuartunut siullernut 20-nut

nakkutilliisut minnerpaamik marluussapput, atuartullu 20-nik ilaneri tamaasa nakkutilliisut ataatsimik ilaneqassallutik.

Imm. 3. Nakkutilliisut inimi siammaassimassapput. Suliamut tunngatillugu arlaannaatigulluunniit atuartunut paasissutissanik nalunaaruteqassanngillat.

Imm. 4. Misilitsinnerup aallartinnissaa minutsinik 10-nik sioqqullugu ini ammarneqassaaq. Nakkutilliisut atuartut inissaannut innersuutissavaat. Inissat tamarmik karakterinut allattuiffik naapertorlugu atuartup aqqanik normuanillu pilersorneqarsimassapput.

Imm. 5. Atuartut inimi misilitsiffiusumi imminnut angusinnaanatik inissinneqassapput.

§ 35. Misilitsinnerup aallartinnginnerani pappilissat allatassap allaqqaarnerani allaqqissaarneranilu atugassat agguanneqassapput. Pappilissat A 4-tut angissuseqassapput. Atuartut namminneq allaatissaminnik nassassapput. Pappilissanut tunniunneqartunut ataasiakkaanut tamanut, atuartup allasavai atini normunilu, karakterit allasimaffianni allasimasoq malillugu, atuarfiup aqqa, misilitsinnerup suliallu suunera aamma klassip imaluunniit holdip taaguutaa.

Imm. 2. Misilitsinnerup aallartinnginnerani atuarfiup pisortaata, taassuma sinniisaata imaluunniit misilitsinnermi atuasussatut ilitsersuisussatulluunniit pisinnaatitaasup nipituumik atuartunut atuassavai misilitsinnerup suliallu suunera, sapaatip-akunnerani ulloq, ulloq nalunaaqutarlu pillugit suliasat puuanni allaqqasut. Piffissami aalajangiunneqarsimasumi suliasanut allakkap puua ammarneqassaaq. Nakkutilliisut isumagissavaat atuartut tamarmik suliasanik ilanngussaajunnartunillu pinissaat.

§ 36. Misilitsinneq ingerlanneqartillugu, suliasat inip avataanut anninneqassanngillat. Taamaattorli pisariaqarpat pisortap taassumaluunniit sinniisaata, suliasat inimiit inimut allamut annissinnaavai.

Imm. 2. Misilitsinneq suleqatigiilluni oqallinnermik tulliullugulu ataasiakkaarluni akissuteqarnissamik imaqarpat, suleqatigiilluni oqallinnissamut piffissaliussaq naappat, nakkutilliisut atuartut ataasiakkaat allattugarisimasaat katersussavaat. Allattukkat atuartup aqqanik nalunaaqutserlugit ungaluliussamut ikineqassapput, inimullu ataasiakkaarluni misilitsiffiusussamut nakkutilliisumit nassarneqarlutik atuartup inissaanut ilineqassallutik.

§ 37. Misilitsinnerit akissutaat nunguterneqarsinnaanngitsunik allanneqassapput. Matematikkimik misilitsinnermi titartakkat, assiliartaliilluni titartaanerit aamma geometriimi sanaat aqerluusamik suliarineqarsinnaapput, taakku pappilissani immikkut ittuni - soorlu millimeterpapirini - suliarinerat apeqqutaatinnagu. Suliasani akissutinut immersuiffissaqarpat, taakkunani akissutit aamma aqerluusamik suliarineqarsinnaapput.

Imm. 2. Taamaattoq pisinnaasatigut misilitsinnerit aqerluusamik allanneqarsinnaapput.

Misilitsinnerit nalaanni atuartunut atugassarititat

§ 38. Atuartuq misilitsinnermut inortuisoq misilitsinnermi peqataasinnaanngilaq. Taamaattoq pisortaasup atuartup peqataanissaa akuerisinnaavaa, taanna suliasaq pillugu paasissutissanik pissarsisinnaasimannngilluinnartutut isigineqarsinnaappat, aamma inortuineq naammaginartumik peqquteqarpat sivikitsuinnaappallu. Naammassinissamut piffissaliussap aalajangerneqarsimasup avataatigut misilitsinnerit sivitsorneqarsinnaanngillat.

§ 39. Atuartoq akissuteqarnissamut eqqunngitsuliorluni ikiortissarsiorpat atuartumilluunniit allamik ikiuniarsarippat, atuarfiup pisortaata atuartoq misilitsinnermiit anisissavaa. Suliaq ingerlaannartumik Ilinniartitaanermut Naalakkersuisoqarfimmut nalunaarutigineqassaaq, tassanilu aalajangerneqassaaq atuartoq peqataasoq imaluunniit atuartut peqataasut piffissami misilitsiffiusumi tullermi misilitsinnissamut peqataasinnaassanersoq/peqataasinnaassanersut.

Imm. 2. Misilitsinnerup nalaani imaluunniit naliliinnermi atuartoq eqqunngitsumik ikiortissimasoq imaluunniit ikiuisimasoq imaluunniit taamaasiornissamut misiliisimasoq ilimagineqalissappat, suliaq ingerlaannartumik allakkatigut Ilinniartitaanermut Naalakkersuisoqarfimmut nalunaarutigineqassaaq, tassanilu atuartup peqataasimasup imaluunniit atuartut peqataasimasut misilitsissimanera/misilitsissimanerat akuerineqassanersoq aalajangiiffigineqassaaq.

§ 40. Misilitsinnerup nalaani atuartup taamaallaat immikkut pisariaqarluinnartumik peqqutissaqaruni nakkutilliisullu arlaannit ilaqarluni, ini misilitsiffiusoq qimassinnaavaa. Napparsimasoqarnera eqqaassanngikkaanni atuartut taamaallaat ataasiakkaarlutik ini qimassinnaavaat.

Imm. 2. Misilitsinnermi nalunaaquttap-akunnerinik 3-nik sivilisunerumilluunniit sivilisussusilinni, misilitsinnerup naanissaa akunnermik ataatsimik, minutsinik 30-nik aamma minutsinik 10-nik sioqqullugu, misilitsinnermi piffissaq qanoq annertutigisoq sinnerunnersoq nakkutilliisut ilaata nalunaarutigissavaa.

§ 41. Atuartup akissut allaqqaarneralu tunniutereerunigit ini misilitsiffiusoq qimassinnaavaa. Nakkutilliisup atuartoq peqatigalugu misissussavaa, atortut attuumassuteqartut tamarmik akissutinut allaqqaakkanullu immikkoortinneqarlutik tunniunneqarnersut. Tamatuma kingorna nakkutilliisup akissutip saqqaanut, ilanngussaajunnartunut allaqqaakkanullu atini allassavaa.

Imm. 2. Atuartup piffissaq misilitsiffiusoq naatinnagu ini misilitsiffiusoq qimappagu, tamanna pissaaq misilitsinnermi peqataasut allat akornusersornagit.

Imm. 3. Suliassiisutit atuartumit tigungmiinnarneqarsinnaapput misilitsiffissatut piffissaliussaq naappat.

Allattariarsorluni misilitsinnernik naliliineq

§ 42. Misilitsiffissatut piffissaliussaq naaniariarpat, akissutit allaqqaakkallu tamarmik – immikkoortiterlugit normuisigullu tulleriisillugit – nakkutilliisunit atuarfiup pisortaanut taassumaluunniit sinniisaanut tunniunneqassapput.

Imm. 2. Akissutit klassikkaarlugit holdikkaarlugilluunniit allakkat puuannut ninngusuumut ikineqassapput, karakterit allattorsimaffiannik atuartut atiinik normuinillu imaqartumik ilaqartillugit. Atuarfiup aqqa, misilitsinnerup suliallu suunera, klassip holdilluunniit taaguutaa kiisalu akissutit amerlassusii allakkap puuata qaavanut allanneqassapput. Tamatuma kingorna allakkap puua/allakkat puui isumannaatumik poortorneqassapput ingerlaannartumillu tammatsaalisanngorlugit censorimut nassiunneqarlutik.

§ 43. Misilitsinnermi censoriusussanik Ilinniartitaanermut Naalakkersuisoqarfik suliaqkiissaaq.

Imm. 2. Misilitsinnerup aalajangersakkat atuuttut malillugit ingerlanneqarnissaa aammalu atuartut assigiiamik naleqquttumillu pineqarnissaat tatiginartumillu naliliivigineqarnissaat censorip

peqataaffigalugulu nakkutigissavaa.

§ 44. Taamaallaat akissut tunniunneqartoq naliliinermi tunngavigineqassaaq. Allaqqaagaq censorimut taamaallaat nassiunneqassaaq, atuartut ataasiakkaat pillugit taamaasiornissamut atuarfik ilinniartitaanermut Naalakkersuisoqarfimmit akuerineqarsimatillugu.

Imm. 2. Censorip naliliineq naammassiguniuk, akissutit atuarfimmu tammatsaalisanngorlugit utertillugit nassiutissavai. Karakterit allattorsimaffii allakkat puuani matoqqasumi immikkut nassiunneqassapput. Allakkap puuanut ataatsimut karakterit allattorsimaffiat ataasiinnaq ikineqassaaq, allakkallu puuat misilitsinnerup aamma suliap suuneranik kiisalu klassip holdilluunniit taaguutaanik nalunaaqutserneqarsimassalluni.

Imm. 3. Atuartissisummik ilinniartitsisup akissutinik nalileereernermigut karakterinik allattuiffigisani atuarfiup pisortaanut tunniutissavaa. Tamatuma kingorna taassuma censorip karakterinik allattuiffianik imaqartoq allakkap puua ammassavaa, censorillu allattuiffia ilinniartitsisumut tunniullugu ilinniartitsisullu allattuiffia censorimut nassiullugu.

Imm. 4. Censorip ilinniartitsisullu allattuiffiit atsiussavaat piaarnerpaamillu pisortamut utertillugit. Karaktereqarpat illuatungiusumit isumaqatigiinniartifigineqarusuttunik, tamanna allattuiffimmi naatsumik tunngavilersorlugu allanneqassaaq. Isumaqatigiinniarterit – oqaloqatigiinnikkut allakkatigulluunniit – pissapput naliliisimasut arlaata tamanna kissaatigippagu. Atuarfiup pisortaata isumaqatigiinniarterit ingerlatissavai. Isumaqatigiinniartermi angusaq ilinniartitsisumit censorimillu atsiorneqassaaq.

Imm. 5. Suliakkiussanut akissutit, akissutinik naliliinerup naammassineqarnerata kingorna atuarfimmi sivikinnerpaamik ukiumi ataatsimi toqqorsimaneqassapput, atuartulli piumasaqarneratigut, naliliineq naammassineqareerpat, tunniunneqassallutik.

Kapitali 6

Oqaluttariarsorluni aamma oqaluttariarsorluni-suliaqarluni misilitsinnerit pillugit immikkut malittarisassat

Nassuiaatit

§ 45. Oqaluttariarsorluni-suliaqarluni misilitsinnertut pineqarput misilitsinnerit allattariarsornerunngitsut. Misilitsinneq tamakkiisumik ilaannakuusumilluunniit suliaqarnermik imaluunniit pilersitsiffiusumik suliaqarnermik ilaqarsinnaavoq.

Tamanut ammasuuneri

§ 46. Oqaluttariarsorluni aamma oqaluttariarsorluni-suliaqarluni misilitsinnerit tamanut ammasuupput.

Imm. 2. Misilitsinnerit nalaanni nipinik assinilluunniit immiussineq taamaallaat akuerineqarsinnaavoq tamanna misilitsinnermut ilaappat.

Imm. 3. Atuarfiup pisortaata misilitsinneq tamanut ammasuussanngitsoq aalajangiussinnaavaa, tamanna atuartup isumassornissaanik peqquteqarpat imaluunniit pissutsit immikkut ittut

patsisaappata.

Pisassiissutit

§ 47. Pisassiissutini atuartitsissummi ukiup ingerlanerani ataatsimoortumik suliaasimasut tamatigoortumik ersersinneqassapput. Pisassiissutit toqqartorneqassapput atuartut isumasioqatigalugit. Pisassiissutit assingi atuartunut tunniunneqassapput.

Imm. 2. Pisassiissutit quppernertut nalinginnaasutut nalunaarsorneqarpata, atuakkiani (prosa) quppernermit nalinginnaasumi naqinnerit 1300-ussapput taallianilu versit titarneri 30-llutik. Nalunaaruteqariaatsit allat, taakkununga ilaallutik assit, nipit aamma videot, quppernertut nalinginnaasutut naatsorsorneqartanngillat.

Imm. 3. Pisassiissutit censorimit kingusinnerpaamik 1. maj tigareerreqarsimassapput.
Imm. 4. Oqaluttariarsorluni aamma oqaluttariarsorluni-suliaqarluni misilitsinnernut pisassiissutit tamaasa pillugit paasissutissat atuarfiup pisortaata Ilinniartitaanermut Naalakkersuisoqarfimmut nassiutissavai. Immersugassiat naalakkersuisoqarfimmit akuerineqarsimasut atorneqassapput.

Misilitsinnernik piareersaaneq ingerlatsinerlu

§ 48. Misilitsinnerni suliaassiissutissat atuartitsissummi ilinniartitsisumit suliarineqassapput, atuartitsissummi ilikkagassatut anguniakkani immikkoortut arlallit ilaatillugit, piffissallu piareersarfissap sivilissusissaa eqqarsaatigalugu.

Imm. 2. Oqaluttariarsorluni misilitsinnissamat suliaassiissutit pisassiissutigineqartunit tamatigoortumik imaqartinneqassapput atuartut qassiunerat apeqqutaatinnagu. Misilitsinnissamat suliaassiissutinut atatillugu atortussat inimi misilitsiffimmiiginnassapput, klassip holdilluunniit tamarmi misilitsereernissaata tungaanut.

Imm. 3. Atuarfiup atuartitsissummi suliaassiissutit - ilanngussat ilanngullugit - nassiutissavai kingusinnerpaamik 1. maj censorimit tiguneqartussanngorlugit, censori misilitsinnerup imaa pillugu tamakkiisumik ilisimatinneqaqqullugu.

Imm. 4. Ulloq misilitsiffissaq sioqqullugu censori suliaassiissutit misilitsinnerullu ingerlanneqarnissaa pillugit ilinniartitsisumut attaveqassaaq, misilitsinnissaq sioqqullugu apeqqutit nalornissutaajunnartut erseqqissarneqarsinnaaqqullugit. Pisariaqassappat atuarfiit pisortaata akuliutsinneqassapput.

§ 49. Oqaluttariarsorluni aamma oqaluttariarsorluni-suliaqarluni misilitsinnerni suliaassiissutit allagartanik akimut atuarneqarsinnaanngitsunik makitsinikkut agguanneqassapput. Atuartut suliaassiissutit minnerpaamik sisamat akornanni qinigassaqarsinnaassapput. Suliaassiissutit ataasiakkaat misilitsinnerup ataatsip ingerlanera taamaallaat marloriarlutik atorneqarsinnaapput. Makitsinermit ilinniartitsisoq aamma censori tamarmik najuutissapput.

Imm. 2. Suliaassiissutit allaganngorlugu atuartumut tunniunneqassaaq.

§ 50. Misilitsinneq ilinniartitsisumit aquanneqassaaq. Ilinniartitsisup censori isumaqatigiissuteqarfigissavaa, taanna misilitsinnerup ingerlanneqarnerani qanoq annertutigisumik peqataassinnaanar-soq. Ilinniartitsisup censorillu akornanni isumaqatigiinngitsoqalissappat, tamanna misilitsinnerit marluk akornanni aqqinneqassaaq, pisariaqarpat atuarfiup pisortaata peqataaneratigut.

Imm. 2. Tamatuma kingorna censorip misilitsinerup ingerlanneqarnera naammaginarsorinngippagu, misilitsinneq naammassineqaannartorlu censorip aturfiani pisortaq aqputigalugu, suliaq pillugu Ilinniartitaanermut Naalakkersuisoqarfimmut nalunaaruteqartoqassaaq. Nalunaaruteqarnerup assiliner ilinniartitsisumut ilinniartitsisullu aturfiani pisortamut nassiunneqassaaq.

§ 51. Piffissami piareersarfiusumi nakkutilliisoqassaaq, atuartut ataatsimik amerlanerit inimi ataatsimi piareersarpata.

Imm. 2. Piffissami piareersarfiusumi pappilissami aturfuup tunniussaani atuortoq allataqarsinnaavoq. Allatat misilitsinnerup nalaani atorneqarsinnaapput.

Oqaluttariarsorluni aamma oqaluttariarsorluni-suliaqarluni misilitsinnernik naliliineq

§ 52. Ilinniartitaanermut Naalakkersuisoqarfik misilitsinnernut censorissanngortitsisinnaavoq. Naalakkersuisoqarfik censorissanngortitsinngippat aturfik misilitsitsiviusoq nammineerluni piukkunnaateqartumik censorissarsissaaq. Censori sapinngisamik aturfimmit allameersoq toqqarneqassaaq.

Imm. 2. Aturfuup pisortaata akisussaaffigaa, ilinniartitsisup atuaqatigiinni pineqartuni censoriusinnaanissaminut atuartitsissummut tunngatillugu naammattunik piginnaasaqarnissaa.

§ 53. Censorip nakkutigisussaavaa misilitsinnerup imarisaata, tassunga ilanngullugit pisassiissutit suliassiissutillu, ilikkagassatut anguniakkanut aamma nalunaarummi matumani piumasaqaatinut naapertuuttuunera.

Imm. 2. Censorip peqataaffigalugulu nakkutigisavaa, misilitsinnerup aalajangersakkat atuuttut malillugit ingerlanneqarnera aamma atuartut assigiissaartumik naammaginartumillu pineqarnerat kiisalu tatiginartumik nalilerneqarnerat.

Kapitali 7

Aalajangersimasumik qulequtsiilluni suliaasaq

§ 54. Atuartut amerlanerpaamik 4-llutik suleqatigiikkuutaarlutik aalajangersimasumik qulequtsiilluni suliaasaq suliarissavaat.

Imm. 2. Aalajangersimasumik qulequtsiilluni suliaassami atuartitsissutinit aamma atuartitsissutini qanitariissunit tamaniit qulequttat ilanngunneqarsinnaapput. Aalajangersimasumik qulequtsiilluni suliaqarnermi takutinneqassaaq suliamut siunnerfeqartumik atuartup qanoq annertutigisumik suliaqarsinnaanera, atuartorlu apeqqutinik atuartitsissutinik akimuisunik suliaqarnissaminut periarfissinneqassalluni.

Imm. 3. Aalajangersimasumik qulequtsiilluni suliaqarneq ulluinnarni atuartitsinerup ilagivaa. Taamaattoq saqqummiineq tassaavoq oqaluttariarsorluni-suliaqarluni misilitsinneq.

§ 55. Atuartut klassimi imaluunniit klasseqatigiiaani ilinniartitsisut suleqatigalugit qulequtaq pingaarneq toqqassavaat, atituumik oqaasertaligaanermigut atuartitsissutit arlaqartut ilaatillugit isiginiarneqarsinnaasoq.

Imm. 2. Qulequtaq pingaarneq allanut sanilliusorneqarsinnaassaaq, qulequttanullu minnernut, atuartitsissutinit aamma atuartitsissutinit qanitariissunit arlalinniit sammisassanik, periutsinik, suleriaatsinik nalunaaruteqariaatsinillu pingaaruteqartutigut ilaatitsisunut, atuartunullu ataasiakkaanut unamminartumik, immikkoortiterinissamut periarfissiissalluni.

Imm. 3. Aalajangersimasumik qulequtsiilluni suliaassap aallartinnissaa sioqqullugu naliliinermi suna pingaartinneqassanersoq atuartunut ilisimatitsissutigineqassaaq.

§ 56. Klassip imaluunniit klasseqatigiiaat ilinniartitsisui pisariaqarpallu ilinniartitsisut allat aalajangersimasumik qulequtsiilluni suliaqarnerup ingerlannera tamaat atuartunik ilitsersuissapput.

Imm. 2. Ilitsersuineq atuartup imaluunniit suleqatigiit nammineq pisariaqartitaminnik piginnaariikkaminnillu aallaaveqarsinnaaneranut periarfissiissaaq, tak. atuarfik pillugu peqqussummi § 17, makku eqqarsaatigalugit:

- 1) Apeqqutip samminiakkap aalajangiunniarnera oqaasertalersorneralu.
- 2) Aalajangersimasumik qulequtsiilluni suliaassap apeqqusigaanut naleqqiullugu suliaasamik killilersuineq.
- 3) Sulinermi misissuinermilu periutsinik toqqaaneq atuinerlu.
- 4) Imarisaanik periutsinillu toqqaaneq atuinerlu.
- 5) Najoqqutassanik atortussanillu toqqaaneq atuinerlu.
- 6) Nalunaaruteqariaasissanik toqqaaneq atuinerlu.
- 7) Suliamik saqqummiineq.
- 8) Saqqummiinissap piareersarnera ingerlanneqarneralu.

§ 57. Aalajangersimasumik qulequtsiilluni suliaq suleqatigiit kissaataat naapertorlugu kalaallisut, danskisut, tuluttut imaluunniit allamiut oqaasiisa pingajui qinerneqarsimasut atorlugit allanneqassaaq.

Imm. 2. Aalajangersimasumik qulequtsiilluni suliaq aalajangersimasumik qulequtsiilluni suliami oqaatsinit atorneqartunit allaanerut atorlugit naatsumik eqikkaanertaqassaaq.

Imm. 3. Suleqatigiit saqqummiussinissamut piareersassapput, tassanilu suliaq saqqummiussinerullu ilusissaa sinaakkusiunneqartut iluanni toqqaarneqassallutik.

§ 58. Aalajangersimasumik qulequtsiilluni suliaq februaryi naatinnagu saqqummiunneqarsimassaaq.

Imm. 2. Aalajangersimasumik qulequtsiilluni suliaq suliarinera ima ingerlanneqassaaq:

- 1) Aalajangersimasumik qulequtsiilluni suliaassap qulequtassaata oqaasertalernissaanut suliallu pilersaarusiornissaanut atuartut ullunik atuarfiusunik 2-nik tulleriinnik piffissalerneqassapput.
- 2) Tamatuma kingorna atuartut atortussanik katersinissamut minnerpaamik sapaatip-akunnerinik 2-nik piffissaqarput. Piffissami tassani nalinginnaasumik atuartitsisoqassaaq.
- 3) Tamatuma kinguninngua sammisap suliarinissaanut, suliaq naammassineqarnissaanut suliallu tamarmiusup saqqummiunneqarnissaata piareersarnissaanut ullut atuarfiusut 5-it tulleriiginnaat atuartut periarfissarissavaat.

Imm. 3. Naammassinerup nanginneratut suleqatigiit tamarmik suliaq tamarmiusoq saqqummiutissavaat.

§ 59. Aalajangersimasumik qulequtsiilluni suliaq saqqummiussinerup kingorna kingusinnerpaamik sapaatip-akunnerisa 3 qaangiunneranni nalilerneqareersimassaaq.

Imm. 2. Aalajangersimasumik qulequtsiilluni suliaq allakkatigut oqaaseqaammik karakterimillu

nalilerneqassaaq.

Imm. 3. Allakkatigut oqaaseqaat karakterillu suliap imaa, suliap ingerlanneqarsimanera saqquumiussinerullu nalilernerit tunngavigalugit aalajangiunneqassapput.

Imm. 4. Ilinniartitaanermut Naalakkersuisoqarfik aalajangersimasumik qulequtsiilluni suliat saqquumiunneqarnerinik malinnaasussanik censoriliisinnaavoq.

Kapitali 8

Pisinnaasatigut misilitsinnerit

Oqaatsinik atuartitsissutit

§ 60. Kalaallit oqaasiinik, danskit oqaasiinik aamma tuluit oqaasinik pisinnaasatigut misilitsinnerit allattariarsornerupput.

Imm. 2. Pisinnaasatigut misilitsinnernut ilaasinnaapput oqaatsinik eqqortumik atuisinnaassuseq aamma oqaatsitigut paasinnissinnaaneq.

Imm. 3. Akissuteqarnissamut nalunaaquttap-akunnera 1 periarfissaassaaq. Akissutissap allaqqaarnissaanut pappilissanik tunniussisoqassaaq. Akissut atuartumut allaffissiami allanneqassaaq.

Imm. 4. Atuartut akissuteqarnerminni ordboginik atuisinnaapput, tassunga ilaallutik ordbogit oqaatsit isumaannik nassuiaasut.

Imm. 5. Misilitsinnermi kina atuaasuussanersoq imaluunniit ilitersuisuussanersoq atuarkiup pisortaata aalajangissavaa. Nalinginnaasumik taanna atuartitsissummi ilinniartitsisuusariaqarpoq. Misilitsinnerup aallartinnissaa siusinnerpaamik minutsinik 30-nik sioqqullugu, allakkap puua pappialanik ilinniartitsisumut naatsorsuussanik imalik atuarkiup pisortaanit imaluunniit taassuma sinniisaanit ammarneqassaaq, misilitsitsinermilu atuaasussamut imaluunniit ilitersuisussamut tunniunneqarluni, ilitersuutip atuaqqaarneqarnissaa piffissaqarfigineqaaqqullugu.

Imm. 6. Misilitsitsinermi atuaasusaaq imaluunniit ilitersuisusaaq nakkutilliisuussanngilaq atuaanerlu imaluunniit ilitersuineq naammassippat ini misilitsiffiusoq qimassallugu. Nakkutilliisut nakkutigissavaat, misilitsinnerit pappialami ilinniartitsisumut naatsorsuussami ilitersuutaasut naapertorlugit ingerlanneqarnerat.

Matematikki

§ 61. Matematikkimi pisinnaasatigut misilitsinneq allattariarsornerussaaq.

Imm. 2. Pisinnaasatigut misilitsinnernut ilaapput kisitsisinik aamma algebramik, geometriimik aamma matematikkimik atuinermik suliassat. Atuartoq pisinnaasamigut aamma atuartitsissummi atortunik atuisinnaanermigut misilinneqassaaq.

Imm. 3. Akissuteqarnissamut nalunaaquttap-akunnera 1 periarfissaassaaq. Akissutissap allaqqaarnissaanut pappilissanik tunniussisoqassaaq. Akissut atuartumut allaffissiami allanneqassaaq.

Imm. 4. Atortorissaarutit pisariaqartinneqartut atorneqarsinnaapput. Taamaattorli formelit tabelillu, lommeregnerit imaluunniit teknikkikkut paasissutissiinermut atortut allat atorneqaaqqusaanngillat.

Kapitali 9

Misilitsinnerit allat

Kalaallit oqaasii

§ 62. Misilitsinnerit allattariarsornerupput oqaluttariarsornerullutillu. Atuartut ataasiakkaarlugit nalilerneqassapput.

§ 63. Allattariarsorluni misilitsinnerup atuartsissummi immikkoortut tamaasa kalluassavai taakkualu tamatigoortumik imarissallugit.

Imm. 2. Akissuteqarnermi atortut naleqquttut tamarmik atorneqaqqusaapput.

Imm. 3. Suliassap akissuteqarfiginissaanut nalunaaquttap-akunneri 4-t atorneqassapput. Taakkunannga annerpaamik nalunaaquttap-akunnera 1 oqaloqatigiinnermut atorneqassaaq minnerpaamillu nalunaaquttap-akunneri 3 ataasiakkaarluni allalluni akissuteqarnissamut atorneqassallutik. Tamatuma saniatigut minutsit 15-it naatsorsuutaapput, inimit suleqatigiiffiusumiit inimut misilitsiffiusussamut nuunnermut atugassatut.

Imm. 4. Misilitsinnerit imatut ingerlanneqassapput:

1) Suliakkiussat atuartunut tunniunneqarnerisa kinguninnguatigut suliassat atuffassissutigineqassapput.

2) Tamatuma kingorna atuartut suleqatigiinnut, misilitsinnissaq sioqqullugu katiterneqarsimasunut avissapput. Suleqatigiinni suliakkiussat naallugit atuarneqassapput, suleqatigiillu suliakkiussani ataasiakkaani imarisaasut, periarfissat piumasaaqatillu oqallisigissavaat. Allattoqarsinnaavoq, taakkulu tamatuma kingorna akissutip allanneqarnerani atorneqarsinnaallutik. Piffissaq piareersarfiusoq naappat nakkutilliisut atuartut allataat katersussavaat, tak. § 36, imm. 2.

3) Atuartut inimut ataasiakkaarlutik misilitsiffissaminnukkassapput.

4) Misilitsinnerup allattariarsornertaata aallartinnerani atuartut allataat tunniunneqassapput.

Misilitsinnerup allattariarsornertaata kapitali 5-imi malittarisassat malillugit ingerlanneqassaaq.

Imm. 5. Ilikkagassatut anguniakkanut naleqqiullugu atuartup nalorninani nikerarluartumillu akissuteqarsinnaassusia misilinneqassaaq.

§ 64. Oqaluttariarsorluni misilitsinnermut pisassiissutigineqassapput allaaserisanik naannerusunik toqqakkat, tamatigoortumik katitikkat quppernerit nalinginnaasut 80-100-t. Allaaserisat tassaanerussapput prosa, taalliat nutaanerusut aamma allaaserisat sulianut aalajangersimasunut tunngasut nalunaaruteqariaatsillu allat, taakkununga ilaasinaalluni drama. Taakkua saniatigut pisassiissutigineqassapput suliat annertunerusut 3, taakkunangalu minnerpaamik ataaseq tassaassalluni kalaallit atuakkiaat.

Imm. 2. Suliassiissutini aallaavigineqassapput ilikkagassatut anguniakkat taakkunaniillu tamatigoortumik imaqaassallutik. Misilitsinnermi suliassiissutit ataasiakkaat tassaapput allaaserisaaq imaluunniit nalunaaruteqariaatsimit allamit assersuut. Taanna pisassiissutinut attuumassuteqassaaq atuartsinermilu atorneqarsimassanani. Misilitsinnermi suliassiissutini oqariaatsit kalaallit oqaasii atorlugit allataassapput.

Imm. 3. Misilitsinnermut ilaapput piareersarneq aamma saqqummiussineq. Tamanna atuartumit ataatsimit imaluunniit suleqatigiinnit amerlanerpaamik atuartunik 3-nik inuttaqartunik

ingerlanneqassaaq. Kisimiilluni misilitsinnermi piareersarnermut minutsit 20-40-t saqqummiussinermullu minutsit 20-40-t atorneqassapput. Suleqatigiillu misilitsinnermi piareersarnermut minutsit 40-60-it saqqummiussinermullu minutsit 20-40-t atorneqassapput. Piffissaliusaaq ilinniartitsisumit aamma atuartunit aalajangerneqassaaq.

Imm. 4. Atuartoq piareersarnermi nalaani allataqarsinnaavoq namminerlu allatani ordbogillu atorsinnaallugit. Allatat saqqummiussinnermi nassarneqarsinnaapput.

Imm. 5. Misilitsinneq kalaallisut ingerlanneqassaaq. Misilitsinnerup ingerlanerani atuartup imaluunniit suleqatigiit suliassiissutigineqartoq nassuiaateqarfigissavaat, tamannalu pillugu oqaloqatigiittoqarluni. Oqaluttariarsorluni saqqummiussinnermi pisinnaasat aamma allaaserisanik nalunaaruteqariaatsinillu allanik suliqaarsinnaaneq, allaaserisanik misissueqqissaarsinnaassuseq, allanut sanilliussuisinnaassuseq suliassiissummillu naliliisinnaassuseq misilinneqassapput.

Danskit oqaasii

§ 65. Misilitsinnerit allattariarsornerupput oqaluttariarsornerullutillu. Atuartut ataasiakkaarlugit nalilerneqassapput.

§ 66. Allattariarsorluni misilitsinnerup atuartitsissummi immikkoortut tamaasa kalluassavai taakkualu tamatigoortumik imarissallugit.

Imm. 2. Akissuteqarnermi atortut naleqquttut tamarmik atorneqaqqusaapput.

Imm. 3. Suliassap akissuteqarfiginissaanut nalunaaquttap-akunneri 4-t atorneqassapput. Taakkunanga annerpaamik nalunaaquttap-akunnera 1 oqaloqatigiinnermut atorneqassaaq minnerpaamillu nalunaaquttap-akunneri 3 ataasiakkaarluni allalluni akissuteqarnissamut atorneqassallutik. Tamatuma saniatigut minutsit 15-it naatsorsuutaapput, inimit suleqatigiiffiusumiit inimut misilitsiffiusussamut nuunnermut atugassatut.

Imm. 4. Misilitsinnerit imatut ingerlanneqassapput:

1) Suliakkiussat atuartunut tunniunneqarnerisa kinguinnguatiqut suliassat atuffassissutigineqassapput.

2) Tamatuma kingorna atuartut suleqatigiinnut, misilitsinnissaaq sioqqullugu katiterneqarsimasunut avissapput. Suleqatigiinni suliakkiussat naallugit atuarneqassapput, suleqatigiillu suliakkiussani ataasiakkaani imarisaasut, periarfissat piunasaqaatillu oqallisigissavaat. Allattoqarsinnaavoq, taakkulu tamatuma kingorna akissutip allanneqarnerani atorneqarsinnaallutik. Piffissaaq piareersarfiusooq naappat nakkutilliisut atuartut allataat katersussavaat, tak. § 36, imm. 2.

3) Atuartut inimut ataasiakkaarlutik misilitsiffissaminukkassapput.

4) Misilitsinnerup allattariarsornertaata aallartinnerani atuartut allataat tunniunneqassapput. Misilitsinnerup allattariarsornertaata kapitali 5-imi malittarisassat malillugit ingerlanneqassaaq.

Imm. 5. Iikkagassatut anguniakkanut naleqqiullugu atuartup nalorninani nikerarluartumillu akissuteqarsinnaassusia misilinneqassaaq.

§ 67. Oqaluttariarsorluni misilitsinnermut pisassiissutigineqassapput allaaserisanik naannerusunik toqqakkat, tamatigoortumik katitikkat quppernerit nalinginnaasut 60-80-it. Allaaserisat tasaanerussapput prosa taalliat nutaanerusut aamma allaaserisat sulianut aalajangersimasunut tungasut nalunaaruteqariaatsillu allat, taakkununga ilaasinnaalluni drama. Taakkua saniatigut

pisassiissutigineqassapput suliat annertunerusut 2-t, taakkunanngalu minnerpaamik 1 tassaassalluni danskit atuakkiaat.

Imm. 2. Suliassiissutini aallaavigineqassapput ilikkagassatut anguniakkat taakkunaniillu tamatigoortumik imaqassallutik. Misilitsinnermi suliassiissutit ataasiakkaat tassaapput allaaserisaq imaluunniit nalunaaruteqariaatsimit allamit assersuut. Taanna pisassiissutininut attuumassuteqassaaq atuartitsinnermilu atorineqarsimassanani. Misilitsinnermi suliassiissutini oqariaatsit danskit oqaasii atorlugit allataassapput.

Imm. 3. Misilitsinnermut ilaapput piareersarneq aamma saqqummiussineq. Tamanna atuartumit ataatsimit imaluunniit suleqatigiinnit amerlanerpaamik atuartunik 3-nik inuttaqartunik ingerlanneqassaaq. Kisimiilluni misilitsinnermi piareersarnermut minutsit 20-40-t saqqummiussinermullu minutsit 20-40-t atorineqassapput. Suleqatigiillu misilitsinnermi piareersarnermut minutsit 40-60-it saqqummiussinermullu minutsit 20-40-t atorineqassapput. Piffissaliussaq ilinniartitsisumit aamma atuartunit aalajangerneqassaaq.

Imm. 4. Atuartuq piareersarnermi nalaani allataqarsinnaavoq namminerlu allatani ordbogillu atorsinnaallugit. Allatat saqqummiussinermi nassarneqarsinnaapput.

Imm. 5. Misilitsinneq danskisut ingerlanneqassaaq. Misilitsinnerup ingerlanerani atuartup imaluunniit suleqatigiit suliassiissutigineqartoq nassuiaateqarfigissavaat, tamannalu pillugu oqaloqatigiittoqarluni. Oqaluttariarsorluni saqqummiussinermi pisinnaasat aamma allaaserisanik nalunaaruteqariaatsinillu allanik suliaqarsinnaaneq, allaaserisanik misissueqqissaarsinnaassuseq, allanut sanilliusuisinnaassuseq suliassiissummillu naliliisinnaassuseq misilinneqassapput.

Tuluit oqaasii

§ 68. Misilitsinnerit allattariarsornerupput oqaluttariarsornerullutillu. Atuartut ataasiakkaarlugit nalilerneqassapput.

§ 69. Allattariarsorluni misilitsinnerup atuartitsissummi immikkoortut tamaasa kalluassavai taakkualu tamatigoortumik imarissallugit.

Imm. 2. Akissuteqarnermi atortut naleqquttut tamarmik atorineqaaqusaapput.

Imm. 3. Suliassap akissuteqarfiginissanut nalunaaquttap-akunneri 3 atorineqassapput. Taakkunannga annerpaamik nalunaaquttap-akunnerata affaa oqaloqatigiinnermut atorineqassaaq minnerpaamillu nalunaaquttap-akunneri marluk affarlu ataasiakkaarluni allakkatigut akissuteqarnissamut atorineqassallutik. Tamatuma saniatigut minutsit 15-it naatsorsuutaapput, inimit suleqatigiiffiusumiit inimut misilitsiffiusussamut nuunnermut atugassatut.

Imm. 4. Misilitsinnerit imatut ingerlanneqassapput:

1) Suliakkiussat atuartunut tunniunneqarnerisa kinguinnguatiigut suliassat atuffassissutigineqassapput.

2) Tamatuma kingorna atuartut suleqatigiinnut, misilitsinnissaq sioqqullugu katiterneqarsimasunut avissapput. Suleqatigiinni suliakkiussat naallugit atarneqassapput, suleqatigiillu suliakkiussani ataasiakkaani imarisaasut, periarfissat piumasaqaatillu oqallisigissavaat. Allattoqarsinnaavoq, taakkulu tamatuma kingorna akissutip allanneqarnerani atorineqarsinnaallutik. Piffissaq piareersarfiusoq naappat nakkutilliisut atuartut allataat katersussavaat, tak. § 36, imm. 2.

3) Atuartut inimut ataasiakkaarlutik misilitsiffissaminukkassapput.

4) Misilitsinnerup allattariarsornertaata aallartinnerani atuartut allataat tunniunneqassapput. Misilitsinnerup allattariarsornertaa kapitali 5-imi malittarisassat malillugit ingerlanneqassaaq. Imm. 5. Ilikkagassatut anguniakkanut naleqqiullugu atuartup nalorninani nikerarluartumillu akissuteqarsinnaassusia misilinneqassaaq.

§ 70. Oqaluttariarsorluni misilitsinnermut pisassiissutigineqassapput allaaserisanik naapertuuttumik sapernassusilinnik tamatigoortumik katitikkat quppernerit nalinginnaasut 50-60-it. Allaaserisanut pisassiissutaasunut ilaassapput atuakkiat aamma allaaserisat sulianut aalajangersimasunut tunngasut. Aammattaaq nalunaaruteqariaatsit allat pisassiissutigineqassapput. Pisassiissutigineqartuni sammisassat nunanit tuluttut oqaasilinnit arlalinneersut ilaassapput.

Imm. 2. Suliassiissutini aallaavigineqassapput ilikkagassatut anguniakkat taakkunaniillu tamatigoortumik imaqassallutik. Misilitsinnermi suliassiissutit ataasiakkaat tassaassapput tuluit oqaasii atorlugit allatat aamma/imaluunniit oqaluinnarluni saqqummiussat, assilissanik taputartuussanik ilaqartinneqarsinnaasut. Suliassiissutit pisassiissutinut attuumassuteqassapput nunanilu tuluit oqaasiinik oqaluffiusuni kulturimut inuiaqatigiinnullu tungasunik takussutissiinissamik periarfissiillutik. Suliassiissutit atuartitsinnermi atorneqarsimassanngillat. Misilitsinnermi suliassiissutini oqaatsit atorneqartut tassaassapput tuluit oqaasii.

Imm. 3. Misilitsinnermut ilaapput piareersarneq aamma saqqummiussineq. Tamanna atuartumit ataatsimit imaluunniit suleqatigiinnit amerlanerpaamik atuartunik 3-nik inuttaqartunik ingerlanneqassaaq. Kisimiilluni misilitsinnermi piareersarnermut minutsit 20-40-t saqqummiussinermullu minutsit 20-40-t atorneqassapput. Suleqatigiillu misilitsinnermi piareersarnermut minutsit 40-60-it saqqummiussinermullu minutsit 20-40-t atorneqassapput. Piffissaliussaq ilinniartitsisumit aamma atuartunit aalajangerneqassaaq.

Imm. 4. Atuartoq piareersarnermi nalaani allataqarsinnaavoq namminerlu allatani ordbogillu atorsinnaallugit. Allatat saqqummiussinnermi nassarneqarsinnaapput.

Imm. 5. Misilitsinneq tuluttut ingerlanneqassaaq. Misilitsinnerup ingerlanerani atuartup imaluunniit suleqatigiit suliassiissutigineqartoq nassuiaateqarfigissavaat aamma nalilersuillutillu isummersussapput, tamannalu pillugu oqaloqatigiittoqarluni. Pingaartinneqassaaq atuartup nattaqqillisaanngitsumik oqariartuuteqarsinnaanera.

Allamiut oqaasiisa pingajui

§ 71. Misilitsinneq oqaluttariarsorneruvoq ataasiakkaarlunilu ingerlanneqassalluni.

§ 72. Misilitsinnermut pisassiissutigineqassapput allaaserisanik naapertuuttumik sapernassusilinnik tamatigoortumik katitikkat quppernerit nalinginnaasut 30-40-t. Allaaserisanut pisassiissutaasunut ilaassapput atuakkiat aamma allaaserisat sulianut aalajangersimasunut tunngasut. Aammattaaq nalunaaruteqariaatsit allat pisassiissutigineqassapput.

Imm. 2. Suliassiissutini aallaavigineqassapput ilikkagassatut anguniakkat taakkunaniillu tamatigoortumik imaqassallutik. Misilitsinnermi suliassiissutit ataasiakkaat tassaassapput oqaatsit pineqartut atorlugit allatat aamma/imaluunniit oqaluinnarluni saqqummiussat, assilissanik taputartuussanik ilaqartinneqarsinnaasut. Suliassiissutit allatat quppernermik nalinginnaasumik

½-1-imik annertussuseqassapput, oqalunnikkut suliassiissut minutsinik 3-4-nik sivisussuseqassaaq. Suliassiissutit pisassiissutitut attuumassuteqassapput, atuartitsinermilu atorneqarsimasuussanatik. Misilitsinnermi suliassiissutini oqaatsit pineqartut atorneqassapput.

Imm. 3. Misilitsinnermut ilaapput piareersarnejq aamma saqqummiussineq. Piareersarnissamut minutsit 20-40-t piffissaliunneqassapput, saqqummiussinnermut karakteriliinermullu minutsit 20-t piffissaliunneqarlutik.

Imm. 4. Atuortoq piareersarnermi nalaani allataqarsinnaavoq namminerlu allatani ordbogillu atorsinnaallugit. Allatat saqqummiussinnermi nassarneqarsinnaapput.

Imm. 5. Misilitsinneq oqaatsit pineqartut atorlugit ingerlanneqassaaq. Misilitsinnerup ingerlanerani atuartup suliassiissut nassuiaateqarfigissavaa, tamannalu pillugu oqaloqatigiittoqassaaq. Pingaartinneqassaaq atuartup oqariartaatsit nalinginnaasut ulluinnarnilu oqaatsit atorlugit nalunaaruteqarsinnaanera.

Matematikki

§ 73. Misilitsinnerit allattariarsornerupput oqaluttariarsornerullutillu. Atuartut ataasiakkaarlugit nalilerneqassapput.

§ 74. Allattariarsorluni misilitsinnermut ilaapput kisitassanik eqqarsaatigisarialinnik suliassiissutit atuartitsissummi immikkoortunik tamanik kalluaasussat.

Imm. 2. Misilitsinnermi atuartup atortut akuerineqarsimasut tamaasa atorsinnaavai, taakkununga ilaallutik kisitsinnermi najoqqutassat tabelillu katersat akuerineqarsimasut, nammineq allataatit, atuakkat ujarlerfissat kiisalu lommeregneri. Suliassiissutini ataasiakkaani atortut immikkut ittut atorneqassappata, tamanna atuarfinnut suliassiissutit nassiunnerini nalunaarutigineqassaaq.

Imm. 3. Suliassiissutit akissuteqarfiginissaannut nalunaaquttap-akunneri 4-t atorneqassapput.

Imm. 4. Atuartup matematikkimi eqqarsaatigisariallit nalinginnaasut ammasullu ulluinnarni inuiaqatigiinnilu inuunermeersut pinngortitamullu tunngasut suliarisinnaasariaqarpai, matematikkimi ilusiliussanik atuisinnaalluni inernerillu nassaarisani atuartitsissutikkoortumik tunngavilersorinnaasariaqarlugit.

§ 75. Oqaluttariarsorluni misilitsinnermut pisassiissutigineqassapput sammisat tamatigoortumik katitikkat atuartitsissummi immikkoortunik tamanik kalluaasut.

Imm. 2. Misilitsinnermi suliassiissutit tassaapput najoqqutassaaq, ilikkagassatut anguniakkani immikkoortunik arlalinnik imalik:

- 1) Kisitsilerineq aamma algebra.
- 2) Geometriilerineq.
- 3) Matematikkip atuuffii.
- 4) Eqqarsaatigisarialinnik suliaqarnejq aamma attaveqatigiinneq.

Imm. 3. Misilitsinneq ingerlanneqassaaq klassi isumasioreerlugu ilinniartitsisup aalajangiinera naapertorlugu, periutsit makkua arlaat ataaseq atorlugu, tassami klassimi tamarmi misiliteriaaseq ataaseq atorneqassaaq:

Misiliteriaaseq A) Atuortoq minutsini 20-40-ni piareersassaaq, suliassiissut eqqarsaatigisarialinnik tigussaasunik isummanillu tunngaviusunik aallaaveqartoq tunngavigalugu. Atuortoq piareersarnermini

allataqarsinnaavoq, saqqummiinnermini nassarsinnaasaminik. Saqqummiinnerup ingerlanerani atuartup suliassiissummik suliaqarsimanini nassuiassavaa. Saqqummiinnermut karakteriliinermullu katillugit minutsit 20-t immikkoortinneqassapput.

Misiliteriaaseq B) Misilitsinnermi aallaaviussaaq suliassiissut eqqarsaatigisarialinnik tigussaasunik isummanillu tunngaviusunik aallaaveqartoq. Suliassiissutip atuartut periarfississavai misissuinerit, tulleriiarisumik aaqqissuusseriaatsit tunngavilersukkamillu inerniliinerit aqcutigalugit suleriaatsinik atuinissaannut aamma matematikkimut atortarneranullu tunngasunik paasinninnerminnik pisinnaasaqarnerminnillu takutitsinissaannut. Atuartoq tigussaasumik matematikkimik atuinerup isummallu tunngaviusut akornanni nikittaqattaarsinnaassaaq. Misilitsinneq kisimiilluni misilitsinneruvoq imaluunnit atuartut amerlanerpaamik 3-llutik misilitsissinnaallutik. Misilitsinnerup ingerlanerani inniartitsisup censorillu atuartut ataasiakkaat oqaloqatigissavaat. Misilitsinneq karakteriliineq ilanngullugu nalunaaquttap-akunnerinik 2-nik siviussuseqassaaq. Atuartut amerlanerpaamik 6-it ataatsikkut misilitsissinnaapput.

Imm. 4. Misilitsinnermi ulluinnarni atuartitsinnermi atortut atorineqartartut tamarnik atorineqarsinnaapput. Inimi misilitsiffiusumi qarasaasiap atorineqarnissaanut periarfissaqassaaq.

Imm. 5. Atuartoq atuartitsissummi taaguutinik suleriaatsinillu tigussaasumik atuisinnaanerminek, periutsinik toqqaasinnaanerminek kiisalu matematikkimi sammisanik ilisimasaqarnerminik paasinnissimanerminillu misilinneqassaaq. Atuartup inerniliussat nassaarineqartut tunngavilersorsinnaasariaqarpai.

Pinngortitalerineq

§ 76. Misilitsinnerit allattariarsornerupput aamma tassaallutik oqaluttariarsorluni-suliaqarluni misilitsinnerit. Atuartut ataasiakkaarlugit nalilerneqassapput.

§ 77. Pinngortitalerinnermi allattariarsorluni misilitsinnermut ilaassapput atuartitsissutinit ukunannga minnerpaamik 2-nik sammisat: fysik/kemi, uumassuseqartulerineq aamma pinngortitamut tunngasumik nunalerutit. Misilitsinneq apeqqutinik akissuteqarnissamut arlalinnik periarfissalinnik imaqarsinnaavoq.

Imm. 2. Misilitsinnermi atuartup atortut naleqquttut tamaasa atorsinnaavai, taakkununnga ilanngullugit pinngoqqaatit piginnaasaat allaavigalugit tulleriiarineq (det periodiske system), nammineerluni allattukkat, atuakkat ujarlerfissat aamma lommeregneri. Suliassiissutini ataasiakkaani atortussat immikkut ittut atorineqassappata, suliassat nassiunneqarnerini tamanna pillugu atuarfiit nalunaarfigineqassapput.

Imm. 3. Suliassiissutit akissuteqarfiginissaannut nalunaaquttap-akunneri 2-t piffissaliunneqassapput.

Imm. 4. Atuartut atuartitsissutini ilikkagassatut anguniakkat iluanni atuartitsissutini taaguutit paasineqarneri atorineqarnerilu pillugit misilinneqassapput.

§ 78. Fysik/kemimi oqaluttariarsorluni-suliaqarluni misilitsinnermut sammisat tamatigoortumik katitikkat pisassiissutigineqassapput. Pisassiissutigineqartut fysikkiip aamma kemiip akornanni assigiimmik agguataarneqassapput makkualu ilaatinneqassallutik:

1) Pinngortitalerinnermi suleriaatsit.

2) Atortussiat kaajalukaarneri, piginnaaneri pinngoqqaatillu piginnaasaat aallaavigalugit tulleriaarineq (det periodiske system).

3) Radioaktivitet.

4) Nukissaq, innaallagialu saviullu kajungerisaa.

5) Ulloriarsiorneq.

Imm. 2. Atuartut laboratoriami suliassap naammassinissaanut nalunaaquttap-akunnerinik 2-nik piffissalernerqassapput. Suliassaq ima atitutigisumik oqaasertaligaassaaq imm.1-imi pineqartut arlallit ilaatinneqarlutik. Misilitsinnermut piffissaliussamut ilaapput atortut ikussorneri, torersaaneq aamma karakteriliineq.

Imm. 3. Sulialu atuartup kisimiilluni suliarisinnaavaa imaluunniit atuartut amerlanerpaamik 3-llutik suliarisinnaallugu. Misilitsinnerup ingerlanerani ilinniartitsisup censorillu atuartut ataasiakkaat oqaloqatigissavaat. Atuartut amerlanerpaamik 6-it ataatsikkut misilitsissinnaapput.

Imm. 4. Misilitsinnermi atuartup ulluinnarni atuartitsinnermi atortut atornerqartartut tamaasa atorsinnaavai. Inimi misilitsiffiusumi qarasaasiap atornerqarnissaanut periarfissaqassaaq.

Imm. 5. Atuartup atuartitsissummik ilisimasaqassusia paasinninneralu kiisalu fysikkimi imaluunniit kemiimi misileraaneramik aqqissuussisinnaanera inerniliisinnaaneralu misilinneqassaaq. Atuartitsissummi itisiliisinnaaneq aamma ataqatigiiffiusunik annertunerusunik paasinnissinnaaneq pingaartinneqassapput.

§ 79. Uumassuseqartulerinnermi aamma pinngortitamut tunngasunik nunalerutini oqaluttariarsorluni suliaqarluni misilitsinnermut sammisat tamatigoortumik katitikkat pisassiissutigineqassapput, atuartitsissutip pissutsinut pinngortitamut, inuiaqatigiinnut kulturimullu tunngasunut atorsinnaaneranik takutitsisut.

1) Uumassuseqartulerinnermi sammisanut ilaassapput:

a) Inuup timaata sananeqaataasa atuunneri.

b) Uumasut naasullu.

c) Uumassuseqartulerineq aamma teknologii.

2) Pinngortitamut tunngatillugu nunalerutini sammisanut ilaassapput:

a) Nunarsuup ineriartornerata oqaluttuassartaa.

b) Kalaallit Nunaata sananeqaataa ilusaalu.

c) Aatsitassat.

d) Silaannaap pissusia.

Imm. 2. Misilitsinneq ilinniartitsisup klassi isumasiorsinnarlugu aalajangiineratigut periutsit uku arlaat atorlugu ingerlanneqassaaq, misilitseriaaserlu taanna klassimi tamarmi atornerqassaaq.

Misilitseriaaseq A) Atuartup suliassiissut apeqqutinik tigussaasunik isummanillu tunngaviusunik tunngavilik minutsini 20-40-ni piareersassavaa. Piareersarnermini atuartoq nammineerluni allattugaqarsinnaavoq saqqummiinnermi nassarsinnaasaminik. Saqqummiinnermi atuartup suliassiissummik suliaqarsimanini nassuiassavaa. Saqqummiinnermut karakteriliinermullu katillugit minutsit 20-t immikkoortinneqassapput.

Misilitseriaaseq B) Misilitsinnermut aallaaviussaaq suliassiissut apeqqutinik tigussaasunik isummanillu tunngaviusunik tunngaveqartoq. Suliassiissut atuartut periarfissivai atuartitsissummut atorneranullu tunngatillugu paasinninnissimanermunik pisinnaasaqarnerminnullu

takutitsinissaannut. Misilitsinneq kisimiilluni misilitsinnerusinnaavoq imaluunniit suleqatigiittut annerpaamik atuartunik 3-nik inuttaqartinneqarluni misilitsinnerusinnaalluni. Misilitsinnerup ingerlanerani ilinniartitsisup censorillu atuartut ataasiakkaat oqaloqatigissavaat. Misilitsinneq – karakteriliineq ilanngullugu – akunnernik 2-nik sivilissuseqarpoq. Annerpaamik atuartut 6-it ataatsikkut misilitsinnaapput.

Imm. 3. Misilitsinnermi ulluinnarni atuartitsinnermi atortut atorneqartartut tamarmik atorneqarsinnaapput. Inimi misilitsiffiusumi qarasaasiap atorneqarnissaanut periarfissaqassaaq.

Imm. 4. Atuartoq atuartitsissummi taaguutsinik suleriaatsillu tigussaasumik atuisinnaanermik, periutsinik toqqaasinnaanermik kiisalu atuartitsissummi sammisanik ilisimasaqarnermik paasinnissimanermillu misilinneqassaaq. Atuartitsissummi itisiliisinnaaneq ataqatigiiffinnillu annertunerusunik paasinnissinnaaneq pingaartinneqassapput.

Inuiaqatigiilerineq

§ 80. Misilitsinnerit allattariarsorluni aamma oqaluttariarsorluni-suliaqarluni misilitsinnerupput. Atuartut ataasiakkaarlugit nalilerneqassapput.

§ 81. Allattariarsorluni misilitsinnerup atuartitsissummi immikkoortut tamaasa kalluassavai taakkualu tamatigoortumik imarissallugit.

Imm. 2. Misilitsinnermut ilaapput suliassiissutit, suliassanik itisilerinerunerusunik eqqarsaatigisarialinnillu imaqarlutillu naatsunik piviusunut sammisunik imaqartut, akissuteqarnissamut arlalinnik periarfissiisunik apeqqutitaqarsinnaasut.

Imm. 3. Suliassiissutit itisileriffiusut, eqqarsaatigisariallit suliarineranni atuartup atuakkat ujarlerfissat, nammineq allattukkat ordbogillu atorsinnaavai.

Imm. 4. Suliassap akissuteqarfiginissaanut nalunaaquttap-akunneri 2-t atorneqassapput.

Imm. 5. Atuartup ilikkagassatut anguniakkanut naleqqiullugu nalorninani allanngorartumillu akissuteqarsinnaanera misilinneqassaaq. Atuartup nammineq isumaliutigisaminut atuartitsissut atorlugu tunngavilersuisinnaanera pingaartinneqassaaq, tassunga ilaalluni atuartitsissummi nassuiaatinut ilusiliunneqartartunik atuineq.

§ 82. Inuiaqatigiilerinnermi oqaluttariarsorluni misilitsinnermut sammisat tamatigoortumik katitikkat quppernerit 30-40-t suliassiissutigineqassapput, atuartitsissutit immikkoortuinik tamanik imaqartut.

Imm. 2. Misilitsinnermi suliassiissutit tassaassapput allataq, sammisassaq tigussaasoq imaluunniit allatut nalunaaruteqariaatsimut assersuut alla. Pisassiissutigineqartunut attuumassuteqassapput, atuartitsinnermilu atorneqarsimasuussanatik. Misilitsinnermi suliassiissut tassaappat sammisaaq tigussaasoq imaluunniit allatut nalunaaruteqariaatsimut assersuut, quppernermik ½-1-imik allatamik ilaqartinneqassaaq.

Imm. 3. Misilitsinnermut ilaapput piareersarneq saqqummiussinerlu. Kisimiilluni imaluunniit annerpaamik pingasuulluni suleqatigiinnikkut ingerlanneqarsinnaavoq. Kisimiilluni misilitsinnissamut atuartoq minutsini 20-40-ni suliassiissummik piareersassaaq minutsinilu 20-40-ni saqqummiilluni. Suleqatigiilluni misilitsinnerup minutsit 40-60-it piareersarfiussapput minutsillu 20-40-t saqqummiinnermut atorneqarlutik. Piffissaliunneqartussaq ilinniartitsisumit atuartunillu aalajangiunneqassaaq.

Imm. 4. Atuartoq piareersarnermini allattuisinnaavoq atuakkallu ujarlerfissat naapertuuttut, nammineq allattukkani ordbogillu atorsinnaallugit.

Imm. 5. Atuartup suliassiissutit pillugit nassuiaasinnaassusia, imarisaasunik ilisimariikkaminut sanilliusisinnaassusia, naliliisinnaassusia, paasiniaaqqissaarsinnaanera najoqqutanillu atuisinnaassusia kiisalu nammineq sammineqartut pillugit ilisimasaminik pissuseqarfiginninnerminillu saqqummiillunilu atuisinnaassusia misilinneqassaaq.

Upperisalerineq isumalioqqissaarnerlu

§ 83. Misilitsinnerit allattariarsorluni aamma oqaluttariarsorluni misilitsinnerupput. Atuartut ataasiakkaarlugit nalilerneqassapput.

§ 84. Allattariarsorluni misilitsinnerup atuartsissummi immikkoortut tamaasa kalluassavai taakkualu tamatigoortumik imarissallugit.

Imm. 2. Misilitsinnermut ilaapput suliassiissutit, suliassanik itisilerinerunerusunik eqqarsaatigisarialinnillu imaqarlutillu naatsunik piviusunut sammisunik imaqartut, akissuteqarnissamut arlalinnik periarfissiissunik apeqqutitaqarsinnaasut.

Imm. 3. Suliassiissutit itisileriffiusut, eqqarsaatigisariallit suliarineranni atuartup atuakkat ujarlerfissat, nammineq allattukkat ordbogillu atorsinnaavai.

Imm. 4. Suliassap akissuteqarfiginissaanut nalunaaquttap-akunneri 2-t atorneqassapput.

Imm. 5. Atuartup ilikkagassatut anguniakkanut naleqqiullugu nalorninani allanngorartumillu akissuteqarsinnaanera misilinneqassaaq. Atuartup nammineq isumaliutigisaminut atuartsissut atorlugu tunngavilersuisinnaanera pingartinneqassaaq, tassunga ilaalluni atuartsissummi nassuiaatinut ilusiliunneqartartunik atuineq.

§ 85. Upperisalerinnermi isumalioqqissaarnermilu oqaluttariarsorluni misilitsinnermut sammisat tamatigoortumik katitikkat quppernerit 30-40-t suliassiissutigineqassapput, atuartsissutip immikkoortuinik tamanik imaqartut.

Imm. 2. Misilitsinnermi suliassiissutit tassaassapput allataq, sammisassaq tigussaasoq imaluunniit allatut nalunaaruteqariaatsimut assersuut alla. Pisassiissutigineqartunut attuumassuteqassapput, atuartsinnermilu atorneqarsimasuussanatik. Misilitsinnermi suliassiissut tassaappat sammisaaq tigussaasoq imaluunniit allatut nalunaaruteqariaatsimut assersuut, quppernermik ½-1-imik allatamik ilaqartinneqassaaq.

Imm. 3. Misilitsinnermut ilaapput piareersarneq saqqummiussinerlu. Kisimiilluni imaluunniit annerpaamik 3-lluni suleqatigiinnikkut ingerlanneqarsinnaavoq. Kisimiilluni misilitsinnissamut atuartoq minutsini 20-40-ni suliassiissummik piareersassaaq minutsinilu 20-40-ni saqqummiilluni. Suleqatigiilluni misilitsinnerup minutsit 40-60-it piareersarfiussapput minutsillu 20-40-t saqqummiinnermut atorneqarlutik. Piffissaliunneqartussaq ilinniartitsisumit atuartunillu aalajangiunneqassaaq.

Imm. 4. Atuartoq piareersarnermini allattuisinnaavoq atuakkallu ujarlerfissat naapertuuttut, nammineq allattukkani ordbogillu atorsinnaallugit.

Imm. 5. Atuartup suliassiissutit pillugit nassuiaasinnaassusia, imarisaasunik ilisimariikkaminut sanilliusisinnaassusia, naliliisinnaassusia, paasiniaaqqissaarsinnaanera najoqqutanillu atuisinnaassusia

kiisalu nammineq sammineqartut pillugit ilisimasaminik pissuseqarfiginninnerminillu saqqummiillunilu atuisinnaassusia misilinneqassaaq.

Sumiiffinni ataasiakkaani toqqagassat

§ 86. Atuartitsissutini ukunani misilitsittoqarsinnaavoq: assassorneq ilusilersuinerlu, eqqumiitsuliorneq illussanillu titartaaneq, timersorneq silamiinnerlu kiisalu nipilersorneq, erinarsorneq, timip aalatinnera isiginnaartitsinerlu. Misilitsinnerit oqaluttariarsorluni/suliaqarluni misilitsinnerupput.

Imm. 2. Misilitsinnermut ilaapput piareersarneq aamma saqqummiussineq. Misilitsinnerit atuartut ataasiakkaarlugit suleqatigiikkaarlugilluunniit ingerlanneqarsinnaapput. Kisimiilluni misilitsinnermi piareersarnissamut minutsit 20-40-t saqqummiussinermullu minutsit 20-40-t piffissaliunneqassapput. Suleqatigiilluni misilitsinnermi piareersarnissamut minutsit 40-80-it saqqummiussinermullu minutsit 40-80-it piffissaliunneqassapput. Piffissaliussaqaq ilinniartitsisumit atuartunillu aalajangerneqassaaq.

Imm. 3. Misilitsinnerup imaa, ingerlanneqarnera naliliinerlu pillugit malittarisassanik kommunalbestyrelsi aalajangersaassaaq. Tamanna pillugu Ilinniartitaanermut Naalackersuisoqarfik ilitsersuusiussaaq.

Imm. 4. Kommunalbestyrelsi imm. 3 naapertorlugu malittarisassaliorsimangippat, ilikkagassatut pilersaarummi ilitsersuutaasumi ilikkagassatut anguniagassat aamma Ilinniartitaanermut Naalackersuisoqarfiup misilitsinnernut ilitsersuutaa atuuttuussapput.

Kapitali 10

Immikkut akuersinerit aamma misileraanerit

§ 87. Immikkut illuinnartunik pisoqartillugu Ilinniartitaanermut Naalackersuisoqarfik nalunaarummi matumani aalajangersakkat sanioqqunneqarnissaat pillugu immikkut akuersissuteqarsinnaavoq. Immikkut akuersinernut ilaasinnaanngillat, pissutsit atuartup inatsisitigut inissisimaneranik ajornerulersitsisut.

§ 88. Ilinniartitaanermut Naalackersuisoqarfiup misiliteriaatsinik allanik misiligaanissaq akuersissutigisinnaavaa, taakkununga ilaalluni naalisarlugu imaqarnerisuiueq tunngavigalugu misilitsinnerit.

Imm. 2. Misiligaanissaq pillugu qinnuteqaat perorsaanickekut ineriartortitsilluni misileraallunilu suliaqarnermik tunngavilersorneqarsimassaaq. Misiligaanerup siunertaa, imaa, piffissaq sumiiffillu qinnuteqaammi allaaserineqassaaq. Qinnuteqarfissaq kingulleq tassaavoq 1. december.

Imm. 3. Misiligaanerup inerneril Ilinniartitaanermut Naalackersuisoqarfimmut tunaartarisassat naalackersuisoqarfiup aalajangersagai naapertorlugit nassiunneqassapput.

Kapitali 11

Aalajangersakkat allat

Misilitsinneq pillugu allattuiffiit

§ 89. 9. aamma 10. klassimi atuartut ataasiakkaat misilitsinnermi karakterinik allattuiffissanik pilersitsisoqassaaq. Misilitsinneq pillugu allattuiffik atuartup atuarsimaneranut uppernarsaatip uppernarsaanerillu suliarinissaannut tunngaviuvoq.

Imm. 2. Naliliineq naammassippat karakterit misilitsinneq pillugu allattuiffimmut allanneqassapput.

Imm. 3. Atuartoq misilitsinnermi peqataasimangippat misilitsinneq pillugu allattuiffimmi karakterip allaffissaata nalaani imatut allattoqassaaq:

1) * - isumaqartoq peqataangilaq, atuartoq atuartitsissummik misilitsinnissamut peqataanginnissaminik akuerineqarsimappat.

2) ** - isumaqartoq napparsimavoq, atuartoq napparsimaneq pissutigalugu misilitsinnermi peqataasimangippat, tak. § 15, imm. 1.

3) *** - isumaqartoq alla, atuartoq napparsimanerunngitsumik allamilli pissuteqarluni misilitsinnermi peqataasimangippat, tak. § 15, imm. 1.

4) **** - isumaqartoq takkutinngitsoorpoq, atuartoq misilitsinnermut takkutinngitsoorsimappat atuarfillu tamanna pillugu ilisimatissimangippagu, tak. § 15, imm. 1.

5) ***** - isumaqartoq qimagutsitaavoq, atuartoq misilitsinnermit qimagutsitaasimappat/anisi-taasimappat.

Imm. 4. Nalunaarutit aamma angusimasanut karakterit ulloq misilitsiffiusoq siulleq sioqqutitsiarlugu misilitsinneq pillugu allattuiffimmut allanneqassapput.

Imm. 5. Ilinniartitaanermut Naalackersuisoqarfiup misilitsinneq pillugu allattuiffiit akuerissavai taakkualu toqqortarineqarnissaat pillugu malittarisassanik aalajangersaalluni.

§ 90. Angusimasanut karakterit, nalunaarutit aamma atuarsimanermut uppernarsaatit assilineri atuartup anineraniit ukiuni 5-ini atuarfiup toqqortarissavai.

Nalunaarutiginninnerit nakkutilliinerlu

§ 91. Misilitsinnerit ingerlaneri angusallu pillugit atuarfiup pisortaa Ilinniartitaanermut Naalackersuisoqarfimmut kingusinnerpaamik 1. juli nalunaaruteqassaaq.

§ 92. Misilitsinnerit ingerlanneqarnerinik Ilinniartitaanermut Naalackersuisoqarfik qullersaalluni nakkutilliisuuvoq. Pissusissaanngitsumik iliornerit nalornissutillu ingerlaannartumik naalackersuisoqarfimmut apuunneqassapput.

Atuarsimanermut uppernarsaat atsiorterlu

§ 93. Atuarfik atuartunut 9. klassip kingorna, 10. klassip ingerlanerani aamma 10. klassip kingorna atuarfimmit anisunut atuarsimanermut uppernarsaasiussaaq.

Imm. 2. Atuarsimanermut uppernarsaat paasisutissanik makkuninnga imaqassaaq:

1) Atuartup atii tamaasa aamma inuttut normua.

2) Atuarfiup aqqa atuartullu klassia.

3) Atuarfimmit aninerup ullua.

4) Atuartitsissutini suni atuartinneqarsimansoq.

5) Atuartitsissutini atuartitsissutinilu qanitariissuni tamani atuartoq pillugu nalunaarut angusimasanullu karakterii kingulliit.

6) Kapitali 7-9-mi misilitsinnerni peqataaffigisani karakterit.

7) Atuartup nammineq naliliinera, tak. § 4.

8) Allakkatigut oqaaseqaatit ilassutaajunnartut.

Imm. 3. Atuartut 9. klassip kingorna aamma 10. klassip ingerlanerani atuarfimmit anisut § 2, imm. 2-mi allaaserineqartutut nalunaarummik angusimasanullu karakterinik tunineqassapput.

Imm. 4. Atuartoq atuarfinni arlalinni misilitsissimappat atuarsimanermut uppernarsaat atuarfimmit atuartup qaninnerpaamik attavigisimasaanit suliarineqassaaq. Misilitsinnerit, atuarfimmi atuarsimanermut uppernarsaasiortumik allaanermi ingerlanneqarsimasut, atuarsimanermut uppernarsaammi x-imik nalunaaqutserneqassapput, atuarsimanermullu uppernarsaammi nassuiarneqassaaq, misilitsinneq pineqartoq atuarfimmi sumi ingerlanneqarsimanersoq.

Imm. 5. Atuarsimanermut uppernarsaat atuarfiup pisortaanit atsiorneqassaaq.

Imm. 6. Atuarsimanermut uppernarsaatit immersugassiani Ilinniartitaanermut Naalackersuisoqarfimmit akuerineqarsimasuni suliarineqassapput.

Kapitali 12

Naammagittaalliuutit

§ 94. Misilitsinnissamat pisassiissutit, misilitsinnerit ingerlanneqarneri aamma karakterit pillugit naammagittaalliuutit atuartumit taassumalu angajoqqaavinit imaluunniit atuartumut angajoqqaarsiaasutut akuerineqartunit saqqummiunneqarsinnaapput.

Imm. 2. Naammagittaalliuut allakkatiguussaaq tunngavilersorneqarsimassallunilu atuarfiullu pisortaanut tunniunneqassalluni.

Imm. 3. Naammagittaalliuutip tunniunneqarnissaanut piffissaliussaq tassaavoq ullormiit karakterip tunniunneqarneraniit imaluunniit misilitsinnerup ingerlanneqarneraniit sapaatip-akunneri 4-t.

Imm. 4. Allattariarsorluni misilitsinnerni karakterit pillugit naammagittaalliuuteqartoqartillugu, naammagittaalliuuteqartoq akissutimi assilineqarneranik pissarsinissamat pisinnaatitaavoq.

Imm. 5. Censori aamma ilinniartitsisoq tamarmik immikkut atuarfiup pisortaanut oqaaseqaateqassapput, taassumalu oqaaseqaatit ilanngussallu pisariaqartut nammineq oqaaseqaamminik ilaqartillugit Ilinniartitaanermut Naalackersuisoqarfimmut nassiutissavai, taannalu aalajangiissaaq.

§ 95. Aalajangiinerit allat pillugit naammagittaalliuutit Ilinniartitaanermut Naalackersuisoqarfim-mut nassiunneqassapput.

Imm. 2. Naammagittaalliuut allakkatiguussaaq tunngavilersorneqarsimassallunilu. Naammagittaalliuuteqarnissamat piffissaliussaq tassaavoq ullormit aalajangernerup nalunaarutigineraniit sapaatip-akunneri 4-t.

Kapitali 13

Atortuulersinneranut aalajangersakkat

§ 96. Nalunaarut 1. august 2009-imi atortuulissaaq.

Imm. 2. Peqatigisaanik meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 12, 27. juni 2007-imeersoq atorunnaarsinneqarpoq.

Namminersornerullutik Oqartussat, ulloq 9. januar 2009

Tommy Marø

/

Lise Lennert Olsen